

«ՀԱՇՎԵՔՆՆԻՉ ՊԱԼԱՏԻ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆ-
ՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ» ՕՐԵՆՔԻ
ԼՐԱՄՇԱԿՎԱԾ ՆԱԽԱԳԾԻ (Պ-703-04.08.2020-ՖՎ-011/0) ՎԵՐԱԲԵՐՅԱԼ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԱՌԱՋԱՐԿՈՒԹՅՈՒՆՆԵՐԸ

«Հաշվեքննիչ պալատի մասին» Հայաստանի Հանրապետության օրենքում փոփո-
խություններ և լրացումներ կատարելու մասին» օրենքի լրամշակված նախագծի
(այսուհետ՝ նախագիծ) վերաբերյալ Հայաստանի Հանրապետության կառավարությունը
առաջարկում է.

1. Նախագծի 1-ին հոդվածում «Օրենքի» բառը փոխարինել «Հաշվեքննիչ պալատի
մասին» 2018 թվականի հունվարի 16-ի ՀՕ-58-Ն օրենքի (այսուհետ՝ օրենք)» բառերով, իսկ
«նոր» բառը՝ «հետևյալ» բառով:

2. Նախագծի 2-րդ հոդվածով նախատեսված Հաշվեքննիչ պալատի նախագահի
կողմից Հաշվեքննիչ պալատի անդամի պաշտոնավարման ժամկետը լրանալու մասին
Ազգային ժողովին տեղեկացնելու ժամկետն առաջարկում ենք համապատասխանեցնել
«Ազգային ժողովի կանոնակարգ» սահմանադրական օրենքի 145-րդ հոդվածի 4-րդ մասի
պահանջներին:

Բացի դրանից՝ առաջարկում ենք նախագծի 2-րդ հոդվածը միավորել նախագծի 1-ին
հոդվածի հետ, քանի որ փոփոխությունները կատարվում են գործող օրենքի միևնույն՝ 17-րդ
հոդվածում:

3. Նախագծի 3-րդ հոդվածն առաջարկում ենք շարադրել հետևյալ խմբագրությամբ.

«Հոդված 3. Օրենքի 34-րդ հոդվածի 6-րդ մասում «12» թիվը փոխարինել «24» թվով:»: